

# Gvangjsih Minzczu Bau

Cawjguen: Gvangsijh Bouxcuengh Swcigih Minzczu Cunghgyau Swvu Veijyenzei

Cawjbanh: Gvangsijh Minzczu Bause

Geiz neix 8 banj

广西民族报 Aenhauh okbanj: CN45-0036

B.2025

Nd.1 Ng.22

Liggaeuq gyapsaenz nienz ndwenlab ngeihsam Geizsoq: Gungh daih 3655 geiz

## Swcigih Gaiq Cibseiq Yinzda Baez Hoih Daihsam Hai Sat

1 nyied 17 hauh banhaet, Gvangsijh Bouxcuengh Swcigih Gaiq Cibseiq Yinzminz Daihyauj Daihhoih Baez Hoih Daihsam youq Gvangsijh Yinzminz Veidangz hai sat.

Swcigih Dangjveij suhgi, Swcigih Yinzda Cangzveijvei cujyin, daihhoih cujsizdonz cangzvu cujsiz, caephengz cujsiz Cinz Gangh cujiz aen hoih bixmuq caemhcai gangjavah.

Daihhoih caephengz cujsiz Fangh Cunhmingz, Cangh Yaujginh, Hoz Vwnzhau, Vangz Veijgingh, Luz Yenbenj, Yangz Cingvaz, Liuz Youjmingz youq cujsizdaiz baiz daih-it naengh.

Swcigih Cwnghez cujsiz Sunh Daveij, youq Nanzningz Daengx Guek Yinzda Vanzging Caeuq Swhyenz Baujhoh Veijyenzei cujyin veijyen Luz Sinhse, caeuq Swcigih lizduiyoh cwnghwnggiz dungzci geq daengj youq cujsizdaiz naengh.

Aen hoih faenbied byaujgez doenggvaq le gij gezyi mizgven cwnghfuj gunghcoz baugau, swcigih bi 2024 gozminz ginghci caeuq sevei hwngfat giva caephengz cingzgvang caeuq bi 2025 gozminz ginghci caeuq sevei hwngfat giva, daengx gih caeuq

swcigih bonjgaep bi 2024 yawhsuenq caephengz cingzgvang caeuq bi 2025 yawhsuenq, Swcigih Yinzda Cangz-veijvei gunghcoz baugau, Swcigih Gaugaep Yinzminz Fazyen gunghcoz baugau, Swcigih Yinzminz Genjazyen gunghcoz baugau, byaujgez doenggvaq le 《Aen Diuzlaeh Baujhoh Caeuq Guenlleix Bingluz Yinhoz Gvangsijh Bouxcuengh Swcigih》.

Cinz Gangh daegbied gangj daengz, Gaiq Ngeihcib Samcung Cienzhohi Dangj veh le mbaw lamzdoz hungmbwk caenh'itbough cienzmienh haeujlaeg gaijgwz, doinyoengx gij yendaiva yiengh Cunghguek. Bi 2025 dwg bi satbyai "cibseiq haj" gviveh, Aen Hoih Gaiq Cibngeih Baez Gouj Swcigih Dangjveij Nem Aen Hoih Hong Ginghci anbaiz baijbouh hong daengx bi, swcigih song hoih guhsaeq gij moegbiu yinvu banhfap daengx bi ginghci sevei hwngfat. Moegbiu couh youq baihnaj, yinvu naek yaek aeu haengguh. Raeuz aeu caensim yungjhu "song aen dinghlaeb", caensim hengzguh "song aen henhoh", gaenjdaet hopheux aen cwngci ceiq hung gij

yendaiva yiengh Cungguek neix, dingjmaenh aeu couqmaenh gij eiqsik caezcaemh Cunghvaz Minzczu guh diuz sienqmeh daengx gih gak hangh hong, geiqmaenh vahdaengq, gyo'mbaiq haengguh baenaj, caezhoz gyavaig aen "yaem" wenq daeuz" hwngfat ndei saed, itloh caeuq daengx gih 5700 lai fanh gak cuz bouxminz naemj doxlumj, guh doxcaez, aeu cingzci daeuj gangj, hawj bouxminz bingzgyaq, gaenjdaet gaemdawz gij iugouz seizdaih doxgiet buekguh, comz gij rengz hung hwnjdaej doxcaez guh saeh hung hwnqguh aen Gvangsijh maenghndei seizdaih moq, yawjcinj moegbiu, hengzdoengh riengret, cienzmienh guhsat daengx bi gak hangh moegbiu yinvu, haengguh mbouj soeng bae saedyienh gij yendaiva Gvangsijh.

Cinz Gangh daegbied gangj daengz, aen cidu yinzminz daihyauj davei dwg aen cwngci cidu gaenbonj guek raeuz, dwg gij caidij cidu youqgaenj saedyienh daengx aen gocwngz bouxminz minzczu. Daengx gih gak gaep dangjveij aeu haeujlaeg hagsib gvancez gij swhsiengj

youqgaenj dingjmaenh caeuq guhndei aen cidu yinzminz daihyauj davei Siz Ginbingz cungjsuhgi, gyagiengz caeuq gaijndei cienzmienh lingjdauj hong yinzda, hawj yinzda guh hong caeuq yinzda daihyauj ciufap hengz cizcwz miz cwngci baujcaeng maenhndw. Gak gaep yinzda caeuq aen cangzveijvei de aeu cietsaed hengz gak hangh cizcwz fapguek faplwd hawj de, mboujduenh daezswng gij caetliengh caeuq suijsingz hong yinzda, doidoengh hong yinzda engq ndei gaenhwnj seizdaih, gaemdawz gvilwd, miz cauhguh. Gak gaep "it fuj it vej song yienh" aeu gagrox ciepsouh yinzda gamduk, mboujduenh daezsang ciufap hingzcwng, ciufap gamcaz caeuq goengcingq swhfaz suijsingz. Gak gaep yinzda daihyauj aeu insik mingzdaeuz, geiqmaenh sawjmingh, engqgya gaenxmaenx cawjdoengh bang bouxminz gangjavah, bang bouxminz hengz cizcwz, cietsaed rap mbaq rap naek bouxminz gyau hawj de.

(daj 《Gvangsijh Yizbau》 aeu daeuj genj hoiz Cinz Yizcwz Gungh Vwnzyingj Loz Canghlieng Cungh Siujigj)

## Swcigih Cwnghez Gaiq Cibsam Baez Hoih Daihsam Hai Sat

Cungguek Yinzminz Cwngci Hezsangh Veiyi Gaiq Cibsam Gvangsijh Bouxcuengh Swcigih Veijyenzei Baez Hoih Daihsam guh sat gak hangh hong daihhoih le, 1 nyied 16 hauh youq Nanzningz hai sat.

Swcigih Dangjveij suhgi Cinz Gangh, Swcigih cujsiz Lanz Denhliz camgya aen hoih bixmuq. Aen hoih youz Swcigih Cwnghez cujsiz Sunh Daveij cujiz.

Ciz Sauconh, Fei Ciyungz, Vangz Cinvaz, Cen Zozmingz, Couh Cwngzfangh, Vangz Naijyoz, Hoz Sinhhing, Vuh Gyahsi, Liuz Yungjmeiz, Bungz Genmingz caeuq Luz Nwngzgan youq cujsizdaiz baiz daih'it naengh.

Vangz Veizbingz, Fangz Lingzminj, Cinz Yizginh, Nungz Swnghvwnz, Hij Yungjigo, Luz Sinhningz, Couh Yigez, Cangh Gwz, Myauz Gingvang, Swcigih Yinzda Cangzveijvei, Cwngfuj lingjdauj banhsjw cwnghyenz, Swcigih Gaugaep Fazyen, Genjazyen boux cujyau lingjdauj, gizyawz swnggiz lingjdauj youq cujsizdaiz naengh.

Daihhoih doenggvaq le mbaw saw

cangyi "dajcauh aen dieg bienhleih guenjguh hawciengz dox sinzvanz ndaw guek rog guek veijyen hengzdoengh"; doenggvaq le gij gezyi Cwnghez Gaiq Cibsam Gvangsijh Bouxcuengh Swcigih Veijyenzei Baez Hoih Daihsam mizgven cangzvu veijyenzei gunghcoz baugau; doenggvaq le gij gezyi Cwnghez Gaiq Cibsam Gvangsijh Bouxcuengh Swcigih Veijyenzei Baez Hoih Daihsam mizgven daezanq gunghcoz cingzgvang; doenggvaq le gij baugau daezanq veijyenzei mizgven Cwnghez Gaiq Cibsam Baez Hoih Daihsam saemjcaz cingzgvang; doenggvaq le Swcigih Cwnghez bi 2025 doxyaeng dajveh; doenggvaq le gij gezyi cwngci Cwnghez Gaiq Cibsam Gvangsijh Bouxcuengh Swcigih Veijyenzei Baez Hoih Daihsam.

Sunh Daveij youq mwh gangjavah naeuz, baez hoih neix ndaej daengz Swcigih Dangjveij giengienz lingjdauj, ndaej daengz gak mizgven fuengmienh haengqrenz haeujcoengh, ginggvaq daengxcungq veijyen caeuq gyoengq boux dungzci camgya hai hoih caezcaemh roengzrenz, gak

hangh hong guh sat. Daengxcungq veijyen nyinhcaen hagsib gvancez gij cingsaenz Cunghgung Ngeihcib Daih caeuq Ngeihcib Gaiq Ngeihcung, Samcung Cienzhohi, gij cingsaenz Siz Ginbingz cungjsuhgi youq Aen Hoih Angqhoh Cunghgoz Yinzminz Cwngci Hezsangh Veiyi Laebbaenz 75 Hopbi gangj haenx, gij iugouz youqgaenj Siz Ginbingz cungjsuhgi lwnhgangj hong Gvangsijh, cungj naeuz aeu lai bae caeuqfaenh hwnqguh Gvangsijh, mboujduenh doidoengh gij gezcwz baijbouh Cunghgung Cunghyangh caeuq gij baijbouh Swcigih Dangjveij, Cwngfuj doek deih raen rongh.

Sunh Daveij naeuz, bineix dwg bi satbyai "cibseiq haj" gviveh, hix dwg bi youqgaenj caenh'itbough cienzmienh haeujlaeg gaijgwz. Raeuz yaek dingjmaenh aeu aen swhsiengj sevei cujyi miz daegsaek Cungguek seizdaih moq Siz Ginbingz guh dazyinx, dingjmaenh dangj lingjdauj, dungjyiz cansen, minzczu doxyaeng giethab ndeindi, dingjmaenh doxgiet caeuq minzczu song aen cawjdaez hung, ciuf Swcigih Dangjveij, Cwngfuj baijbouh anbaiz, hopheux aen yinvu moegbiu

hwnqguh aen Gvangsijh maenghndei seizdaih moq, comzyawj gyavaig doinyoengx hwnqguh "it gih song dieg it suen it roenloh", caen aeu gak fuengmienh swhsiengj caeuq dungx-caiz comz daengz hwngfat ndei saed bae, coenghrenz gih raeuz "cibseiq haj" gviveh souhong, maeuzveh "cibhaj haj" gviveh hwngfat, youq mwh hwnqguh aen Gvangsijh maenghndei seizdaih moq langhbaij dangrap moq dangguh moq.

(daj 《Gvangsijh Yizbau》 aeu daeuj genj hoiz Vangz Vej)

### Daengq Beixnuengx

Aenvih ndwencieng cuengq-gyaj, bauqceij song geiz laeng dou mbouj ok lo, muengh beixnuengx bimoq gwn van youq ndei, guh maz baenz maz!

Bonj bauq benhcizbu